



**SUDSKA PRAKSA**  
I NOVOUSVOJENI ZAKONI



[www.csd.pravosudje.ba](http://www.csd.pravosudje.ba)



Dobrodošli!



Novo izdanje newslettera sadrži:

- Informacija o novim Pravilima Panela
- Zakoni Bosne i Hercegovine
- Mišljenje br. 26 (2023) CCJE
- Stavovi sudske prakse Bosne i Hercegovine
- Aktuelnosti iz pravosuđa

**VAŽNO**

Web stranica Odjela za sudske dokumentaciju i edukaciju Sekretarijata VSTV-a BiH, koji za vas priprema i uređuje newsletter predstavlja centralno mjesto za pristup izabranim sudskim odlukama i zakonima sa izmjenama i dopunama, što značajno olakšava i ubrzava rad učesnicima u sudskom postupku.

Nosioci pravosudnih funkcija u BiH korisničke podatke za pristup zakonima i edukativnim materijalima mogu tražiti putem e-maila: [osde@pravosudje.ba](mailto:osde@pravosudje.ba).

**Napomena:**

Link određenog zakona iz newslettera vodi do ekrana u koji trebate unijeti korisničke podatke i nakon prijave potrebno je ponovo kliknuti na link tog zakona iz newslettera kako bi se isti otvorio.



**POSEBNO  
IZDVAJAMO**

[Nova Pravila o radu Panela za ujednačavanje sudske prakse u BiH](#)

[Zakon o izmjenama i dopunama Krivičnog zakona Federacije Bosne i Hercegovine](#)

[Mišljenje br. 26 \(2023\) CCJE - Upotreba pomoćnih tehnologija u pravosuđu](#)

[Razvoj sudske prakse Evropskog suda za ljudska prava - Izveštaj ESLJP septembar - decembar 2024.](#)

# NOVA PRAVILA O RADU PANELA ZA UJEDNAČAVANJE SUDSKE PRAKSE U BOSNI I HERCEGOVINI



## PRAVILA Panela za ujednačavanje sudske prakse

U prostorijama Visokog sudskog i tužilačkog vijeća Bosne i Hercegovine 15.7.2025. godine potpisana su nova Pravila o radu Panela za ujednačavanje sudske prakse, čime je uspostavljen novi koncept funkcionisanja ovog jedinstvenog mehanizma za ujednačavanje sudske prakse na nivou cijele Bosne i Hercegovine.

Pravila su potpisali potpredsjednica VSTV-a BiH Sanela Gorušanović Butigan, v.d. predsjednica Suda BiH Minka Kreho, predsjednica Vrhovnog suda Federacije BiH Vesna Stanković Ćosović, predsjednica Vrhovnog suda Republike Srpske Daniela Milovanović i predsjednik Apelacionog suda Brčko distrikta BiH Damjan Kaurinović.

[PROČITAJ VIŠE](#)



Visoko sudsko i tužilačko vijeće Bosne i Hercegovine  
Visoki sudbeno i tužilački vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina



Na osnovu člana 3. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik BiH“, br. 25/04, 93/05, 48/07, 15/08, 63/23, 9/24 i 50/24), člana 9. stav 3. Pravilnika o unutrašnjem sudskom poslovanju Federacije Bosne i Hercegovine i Brčko distrikta BiH (Službeni glasnik Bosne i Hercegovine, br. 66/12, 54/17, 60/17, 30/18 i 83/22), člana 9. stav 3. Pravilnika o unutrašnjem sudskom poslovanju Republike Srpske (Službeni glasnik RS“, br. 9/14, 39/16, 71/17, 67/18 i 6/19), Protokola o zajedničkoj realizaciji aktivnosti vezanih za unapređenje procesa harmonizacije sudske prakse i transparentnosti rada najviših pravosudnih institucija u Bosni i Hercegovini br. 07-13-3-3222-4/2023 od 12.12.2023. godine, preporuka Evropske unije Bosni i Hercegovini iz Izvještaja o Bosni i Hercegovini za 2024. godinu od 8.11.2024. godine broj SWD(2024) 691 i Mišljenjem Venecijanske komisije o pravnoj sigurnosti i nezavisnosti pravosuđa u Bosni i Hercegovini broj 648/2011 od 18.06.2012. godine, Sud Bosne i Hercegovine, Vrhovni sud Republike Srpske, Vrhovni sud Federacije Bosne i Hercegovine i Apelacioni sud Brčko distrikta Bosne i Hercegovine u koordinaciji Visokog sudskog i tužilačkog vijeća Bosne i Hercegovine, dana 15.7.2025. godine donijeli su

### PRAVILA Panela za ujednačavanje sudske prakse

#### I OPŠTE ODREDBE

##### Član 1. (Ciljevi Panela)

Panel za ujednačavanje sudske prakse (dalje: Panel) djeluje s ciljem održavanja kontinuiranog dijaloga između sudova najviše instance u Bosni i Hercegovini i predstavlja platformu za ujednačavanje sudske prakse, kao i za diskusiju o drugim zajedničkim pitanjima sa kojima se susreću.

##### Član 2. (Predmet Pravila Panela)

Pravilima Panela (dalje: Pravila) se uređuje uloga, sastav, način rada i druga pitanja koja su bitna za ostvarenje ciljeva Panela.

##### Član 3. (Uloga Panela)

- (1) Kada postoji usaglašenost zakonskih odredbi, a različito tumačenje istih, Panel će vršiti usaglašavanje stavova i donositi pravna shvatanja.
- (2) Kada ne postoji usaglašenost zakonskih rješenja, koja stvara nejednakost građana pred zakonom, Panel će po potrebi inicirati zakonske izmjene.
- (3) Na Panelu se mogu razmjenjivati iskustva i mišljenja u tumačenju i primjeni zakona i u drugim situacijama, te predlagati odgovarajuća rješenja nadležnim institucijama.

[PREUZMI PRAVILA](#)

# Zakoni Federacije BiH 2021 - 2025



## Zakon o izmjenama i dopunama Krivičnog zakona Federacije Bosne i Hercegovine

U „Službenim novinama Federacije Bosne i Hercegovine“ broj 58/25 od 1.8.2025. godine objavljen je Zakon o izmjenama i dopunama Krivičnog zakona Federacije Bosne i Hercegovine, koji je usvojio Parlament Federacije Bosne i Hercegovine na sjednici Predstavničkog doma od 23.7.2025. godine i na sjednici Doma naroda od 16.06.2025. godine.

Krivični zakon Federacije Bosne i Hercegovine objavljen je u "Službenim novinama Federacije Bosne i Hercegovine" broj 36/03, 37/03 - ispr., 21/04 - ispr., 69/04, 18/05, 42/10, 42/11, 59/14, 76/14, 46/16, 75/17 i 31/23.

Ovaj zakon stupa na snagu osmog dana od dana objavljivanja u "Službenim novinama Federacije BiH".

**ZAKON PREUZMI**

## Zakon o naftnim derivatima u Federaciji Bosne i Hercegovine

U „Službenim novinama Federacije Bosne i Hercegovine“ broj 49/25 od 2.7.2025. godine objavljen je Zakon o izmjenama i dopunama Zakona o naftnim derivatima u Federaciji Bosne i Hercegovine koji je usvojio Parlament Federacije Bosne i Hercegovine na sjednici Predstavničkog doma od 28.05.2025. godine i na sjednici Doma naroda od 16.06.2025. godine.

Zakon o naftnim derivatima u Federaciji Bosne i Hercegovine objavljen je "Službenim novinama Federacije BiH", broj 52/14.

Ovaj Zakon stupa na snagu osmog dana od dana objavljivanja u "Službenim novinama Federacije BiH".

**ZAKON PREUZMI**



# Zakoni Republike Srpske 2021-2025



## Zakon o bankama

U "Službenom glasniku Republike Srpske" broj 45/25 od 30.5.2025. godine objavljen je Zakon o izmjenama i dopunama Zakona o bankama Republike Srpske, koji je Narodna skupština Republike Srpske usvojila na Četrnaestoj redovnoj sjednici, održanoj 15. maja 2025. godine, a Vijeće naroda 23. maja 2025. godine, konstatovalo da se usvojeni Zakon o o izmjenama i dopunama Zakona o bankama Republike Srpske ne odnosi na vitalni nacionalni interes nijednog od konstitutivnih naroda u Republici Srpskoj, čime su se ispunili formalno-pravni uslovi za donošenje ukaza.

Zakon o bankama objavljen je u "Službenom glasniku Republike Srpske" broj 4/17, 19/18, 54/19 i 63/24.

Ovaj zakon stupa na snagu osmog dana od dana objavljivanja u "Službenom glasniku Republike Srpske", osim čl. 12, 13. i 14, koji stupaju na snagu šest mjeseci od dana stupanja na snagu ovog zakona.

[ZAKON PREUZMI](#)



# Zakoni Brčko distrikta BiH 2021-2025



## Zakon o papirima od vrijednosti – prečišćeni tekst

U „Službenom glasniku Brčko distrikta Bosne i Hercegovine“ broj 25/25 od 15. jula 2025. godine objavljen je Zakon o papirima od vrijednosti – prečišćeni tekst.

Na osnovu člana 8 Zakona o Službenom glasniku Brčko distrikta Bosne i Hercegovine („Službeni glasnik Brčko distrikta BiH“, brojevi: 1/00 i 17/04) i Odluke o davanju ovlaštenja Zakonodavnoj komisiji Skupštine Brčko distrikta BiH, broj: 01-02-218/17 od 13. 9. 2017. godine („Službeni glasnik Brčko distrikta BiH“, broj 35/17), Zakonodavna komisija Skupštine Brčko distrikta BiH na 17. sjednici održanoj 26.6. 2025. godine utvrdila je prečišćeni tekst Zakona o papirima od vrijednosti („Službeni glasnik Brčko distrikta BiH“, broj 15/03) s izmjenama i dopunama Zakona o papirima od vrijednosti („Službeni glasnik Brčko distrikta BiH“, brojevi: 27/04, 42/04, 28/07, 14/12, 20/17, 8/19, 10/19, 32/19, 13/21, 45/22, 1/24 i 17/24).

**ZAKON PREUZMI**

## Zakon o stečaju – prečišćeni tekst

U „Službenom glasniku Brčko distrikta Bosne i Hercegovine“ broj 18/25 od 22. maja 2025. godine objavljen je Zakon o stečaju – prečišćeni tekst.

Na osnovu člana 8 Zakona o Službenom glasniku Brčko distrikta Bosne i Hercegovine („Službeni glasnik Brčko distrikta BiH“, brojevi: 1/00 i 17/04) i Odluke o davanju ovlaštenja Zakonodavnoj komisiji Skupštine Brčko distrikta BiH, broj: 01-02-218/17 od 13. 9. 2017. godine („Službeni glasnik Brčko distrikta BiH“, broj 35/17), Zakonodavna komisija Skupštine Brčko distrikta BiH na 13. sjednici održanoj 6. 5. 2025. godine utvrdila je prečišćeni tekst Zakona o stečaju („Službeni glasnik Brčko distrikta BiH“, broj 16/19), s izmjenama i dopunama Zakona o stečaju („Službeni glasnik Brčko distrikta BiH“, brojevi: 29/20, 16/22 i 13/25).

**ZAKON PREUZMI**

# AKTUELNOSTI

## Baza sudskih odluka

U bazi je trenutno dostupno 29746 odluka, od čega su 15958 odluke iz građanske oblasti, 10820 iz krivične oblasti, 2964 iz upravne oblasti, te 4 odluke Evropskog suda za ljudska prava sa vezanim odlukama sudova u Bosni i Hercegovini. Odluke možete pretraživati po različitim parametrima npr. broj odluke, datum donošenja odluke, naziv suda koji je donio odluku i slično. Pretragu možete vršiti i po pravnim terminima i slobodnom tekstu npr. djela protiv sigurnosti javnog prometa, priznanje strane sudske odluke, otkaz ugovora o radu i slično.

Besplatan pristup navedenoj bazi omogućen je svim zainteresovanim licima od marta 2021. godine, a mobilnu aplikaciju za korištenje Baze možete besplatno preuzeti na App Store ili Google Play trgovini.

PROČITAJ VIŠE

PRISTUPI BAZI



# Stavovi sudske prakse Bosne i Hercegovine

Visoko sudsko i tužilačko vijeće Bosne i Hercegovine je u saradnji sa Sudom Bosne i Hercegovine, Vrhovnim sudom Republike Srpske, Vrhovnim sudom Federacije Bosne i Hercegovine, te Apelacionim sudom Brčko distrikta Bosne i Hercegovine pokrenulo sistemsko obavještanje pravosudne zajednice o stavovima sudske prakse koje definiraju i objavljuju navedeni sudovi na [Portal sudske prakse](#) („E-sentence“).

Aktivnosti ovog tipa dio su strateškog opredjeljenja Vijeća, da u saradnji sa sudovima najviše instance u Bosni i Hercegovini poveća dostupnost sudskih odluka i stavova sudske prakse za pravosudnu zajednicu i javnost.



[PROČITAJ VIŠE](#)

[Portal sudske prakse u Bosni i Hercegovini](#)

## Kvartalni pregled stavova sudske prakse sudova najviše instance u Bosni i Hercegovini<sup>1</sup> od 01. april do 30. juna 2025. godine.

### ➤ Građansko materijalno pravo

Oblast	Deskriptor(i)	Stav sudske prakse	Broj predmeta
<b>STVARNO PRAVO</b>			
Predmet prava vlasništva STICANJE VLASNIŠTVA	Pokretne stvari Sticanje prava vlasništva	Iako je upis promjene vlasnika u javnom registru za vozila po zakonu obavezan i kršenje te obaveze povlači prekršajnu odgovornost, isti upis nema konstitutivan, nego deklaratoran karakter.	Apelacioni sud Brčko distrikta <a href="#">96 0 Mal 130218 22 Gž</a>
Predmet prava vlasništva	Pokretne stvari	Izvod iz registra organa nadležnog za vođenje evidencije o registrovanim vozilima i vlasništvu na vozilima nije nepobitan dokaz vlasništva na vozilu i kao i svaka druga javna isprava se može osporavati, budući da ta evidencija ne mora nužno odražavati stvarno stanje vlasništva, što znači da je upisani vlasnik vozila ovlašten dokazivati da nije ujedno i stvarni vlasnik.	Apelacioni sud Brčko distrikta <a href="#">96 0 Mal 130218 22 Gž</a>
Na temelju zakona	Održaj	Do stupanja na snagu Zakona o stvarnim pravima, pravo svojine se nije moglo steći održajem na stvari u društvenoj (državnoj) svojini.	Vrhovni sud Republike Srpske <a href="#">60 0 Ps 032586 24 Rev</a>
Na osnovu zakona Sticanje vlasništva	Dosjelost Sticanje prava vlasništva	Sud nema osnovu utvrđivati savjesnost posjeda tužiteljice ako savjesnosti njenog posjeda druga strana nije uopšte prigovarala niti je tokom postupka dokazivala nesavjesnost posjeda.	Vrhovni sud Federacije BiH <a href="#">33 0 P 085938 25 Rev</a>



Visoko sudsko i tužilačko vijeće Bosne i Hercegovine  
Visoko sudbeno i tužilačko vijeće Bosne i Hercegovine  
Високи судски и тужилачки савјет Босне и Херцеговине  
High Judicial and Prosecutorial Council of Bosnia and Herzegovina



☰ Obavijest o preuzimanju sadržaja

**Napomena:** U slučaju preuzimanja vijesti istu preuzeti u integralnom obliku uz navođenje izvora informacije.